

ادبیات عمومی مجموعه سی

بسم الله الرحمن الرحيم

محاربه حاضره ايله تركرك تاريخنده بر « رنه سانس » دورى آچيلور .
بوگونه قدر متعب و غليظ بربلداي كابوس دوام ايتمكده ايدى . شرقى روما
دولتى تخریب، مشرف انهدام اولان خلافت و سلطنت اسلاميه يي هيچ برپادشاه
سلفك يتشدیره مدیكى حدودلره ایصال ایدن عثمانلیر ایکی سنه اولنه کلنجهیه قدر
بردور توقفده بولونیورلردی . حرب عمومی بزم موجب انتباه و تیقظمز اولدی .
توفیقات ازلیه صمدانیه دن استعانه ايله بومبارزه مقدسه استخلاصه آتلدق .
قایتولاسیونلری ، اجانبك موجودیتمز اوزرینه وضع ایتدکاری حجر و حجزلری
قالدیردق . ترقی و تعالی یه قطعیا قرار ویردك . ایشته بونك ایچوندركه هر کونمز
حرب و ضرب ايله کچدیکی حالد ، بوايکی سنه ظرفنده حصول پذیر اولان ترقیات
واصلحات درجه سنده تکملاته مملکتمز هیچ بروقت نائل اوله مامشدی .
ایشته بوانقلابات آره سنده تکاملات فکریه یه اشتراك ، عنعنات مستحسنه من
داخلنده تجدواتی تسهیل ، متفکرین وارباب قلممزه بر محل مباحثه و مناظره
تهیه ایتك مقصدلریله بو « ادبیات عمومی مجموعه سی » نی تأسیس ایدیوروز .

سیاسیات

ایران اختلافنامه‌سی

بزور وزیرمیسر نیست این کار

حافظ شیرازی

مدنیت قدیمه‌سی نامنه یونانی احیا ایدن اوچ دولتك ایکیسی، ایرتسی عصرک ابتداسنده، او مدعالرینی اونوتارق، ایرانی ایکی منطقه نفوذه تقسیم ایتدیلر. کوزل بر وضعیت جغرافیه، فنا بر نتیجه تولید ایشدی: ایران، شرق ایله غرب آراسنده کی بوتون حرکات تاریخیه‌نك صحنه وسطاسی: آنا دولی وهندستان قاتحلرینك طریق استیلا سیدر: هم مدافعه، هم تعرض اعتباریه هندك مقدرات عسکریه‌سنه حاکم عد اولونور. بومظهریته بکزر، فقط فلا کتدر: چونکه تاریخك ایرانه استیلاسنی تخطر ایتدیکی اجنبیلرک اکثریسی، یا آنا دولی، یا هندستان یولجیلریدی! روسلرله انکیزلرک دونکی مساعیسی ده اسکی جریانلرک برآز عینیدر. ایرانه دشمن جلب ایدن، هانکی جهتندنی باقلسه ماوراسنده دائماً برارض موعود اخطار ایتسیدر.


روسیه، هنده عاشقدر: عجم یوانی الده ایتك ایچون الندی کلن غیرتده قصور ایتدیکه، انکیزلرده عینی یولی قاپاتق ایچون عینی مساعیه اهتمام ایتدیلر. بو کیزلی مجادله‌نك نتیجه ظاهره‌سی اولان ۱۹۰۷ ائتلافنامه‌سی، انکیز-روس وحدت منافی حقنده دوقوزسنه در یا کلش بر ذهابه یول آچشدی: حقیقتده ایسه، او بر اختلافك انکشاف رسمیسندن عبارتدی. شبهه‌سز حقوق عمومیه ایرانی هر درلو حمایه و مراقبه‌دن آزاده بر دولت مستقلا بیلیر. فقط بوکا رغماً آسیاده انکیز-روس خطوطنك تقاربندن اعتباراً، شرق قریب اك واسع بر میدان حرب اولمش، طرفینك سوق‌الجیشی استیلا یولرینی تعیین ایتمش و دیپلوماسیلری ده مقررات عسکریه‌نك تأمین حصوله چالشمشدی: بو اعتبار ایله مقاوله و معاهده‌لر، متقابل وضعیترلی تعیین ایدن موقت برر متارکه نامه ماهیتنده ایدیلر. ایران، شمالندن وجنوبندن «مصلحانه» بر صفتله حلوه باشلایان حکومتلره، یالکز کندی وسائط مقدره‌سیله مقاومتده مشکلاته دوشدیکه، یکدیگرینه اك بویوک دشمن نظریله باقان انکیزلره و روسیه، آنجق اونك حقوق استقلالنه رعایت ایتمه مکده هر معناسیله اتحاد ایدیورلردی؛ ذاتاً، ساده ایران ایشنده دکل، بوتون آسیا مسائلنده، منافع متقابله‌لرینك یکانه نقطه اشتراکی بودر! ترکیه، آسیای وسطا و یا افغانستاندن هر هانکیسیله بر حدود اختلافی چیقسه، هر ایکیسی ده فردوسینك وطنه، حمایه طریقیله، مداخله‌یه باشلیورلردی: هر تحدیده روس وانکیز ضابطلری قاریشیردی. ایران، بوسورتله ایکی دشمن نفوذك استعمال ایتدیکی بوتون وسائط ممکنه‌یه زمین اولیور، اوراده اونلر بر برینه قاریشیور، یکدیگرینه گرفت اولمش خطوطه بکزیوریدی. شرق قریب آسایشنك حال طبیعیمی اولان انکیز-روس مجادلاتی، مملکتک اوستنه بر موسقوف، بر انکیز منظومه حلولی کتیرمش، و بو

چفته تشکيلات ايك اوراق وسيله لرده بيله ، مسافر اولدقلري مملكتك هر اميد ترقيسى قيراجق معارضه لرده بولونمشلردى . آفريقاى جنوبى حائى روسلرك تزييد حلوئه يارامش ، روسيه - ژاپونيا محاربه سى ده انكلتره نك مقابله سنه سبب اولمشدى . ايران اختلالدن صوكرده ده ، عيني حكومت ، شماله دوغرو ترقيه چالشمش وصوك ۱۹۰۷ ائتلافيله ده او وضعيتنى تايمين ايتك ايشتمشدى . بو مجادله نك برآز تاريخنى ياد ايتك ، انگليز - روس ائتلافنك ماهيتنى پك كوزل كوستره بيلير : انگلتره ، هندستان تلاشيله ، روسلردن اول ايرانه كوز قويوشدى ؛ بو اعتبار ايله موسقوفه نظراً قدم صاحيدر ! انگليز وسائط ويا تشكيلاتى ، باشليجه مواصلات ايله مالياته انحصار ايدر . روسلرك كي ايسه ، عسكرى وماليدر . انگليزلر ايراني تلارله بر شبكه خطوطه صارديلر ؛ هان هر يرده تلغراف صراكزي حصوله كتيرديلر . الله ايكى سنه اول ، (فاو) ايله (كراچى) بيننده كي قابلوئه آشيلادقلري بوشير - طهران قولى ، آوروپايه دوغرو عثمانلى خطنى چفته لشدير يوردى . ۱۸۷۰ ده ايسه ، آلمانيا و روسيه نك مساعده سيله ، [سيمنس] انگليز شركتى ، آراقس ايله طهران آره سنده بر هند - آوروپا تلغرافى تاسيس ايدرك ، عيني خطى غربك متباقى جمله خطوطيله برلشدير يوردى . هند - عجم تلنك ايران شعبه سيله طهران - مشهد خطى ده هندستانى تلغراف اداره سنه تابع اولمشدى . بوضورتله ايتدكلرى دقيقه ده ، انگليزلر تلغرافله مملكتك هر طرفنده حاضر بولنه جقلردى ! فقط بوتاسيسات الك زياده وحدت مليه يه خدمت ايتمش ديمكدى . بوندن باشقه ، انگليزلر برده يوللرده [Rest-rooms] ديدكلرى مسافر خانه لر تاسيس ايتمشلردى !

انگليزلرك ايرانده ايلك مؤسسه ماليه لرى ، يكرمى يدى سنه اول تاسيس ايتدكلرى (بنك شهنشاهى ايران) اسمنده ، اخراجات امتيازى حائز بر بانقه در . بوشركتك هر طرفده شعبه لرى واردر . معاملاتى حكومتله بويوك تجارتخانه لره ويريلن آوانسلره انحصار ايدر ؛ فضله اولارق توديعاتى قبول ايتدكي كي بعض املاكى ده كفالت آلتنه آليز . سائر انگليز تشبثات صنايعيه وماليه سى عقامته اوغرامشدى ؛ بونلردن يالكيز (لينچ) قومپانيه سنك كارون اوواسنده آجدينى بر تجارت يولى قالمشدر ؛ قومپانيه نك برلايمه سنه نظراً ، كارون نهرينك ايكى قولنده سيرسفائى تايمين ايتديكندن حمزه ايله اهواز واهواز ايله شستر بيننده مناقلات نهريه تاسيس ايدلمشدر . [اهواز ايله اصفهان آره سنده ، بختيارى داغلرندن كچن بر كاروان يولى ده وجوده كتيرمشلر . طهراندن قم وسلطان آباده ياپدقلرى شوسه يى ده بروجرد وخرم آباد طريقيله شستره ربط ايتمشلر .]

انگليزلر بوضورتله هر شهرده بر بانقه شعبه سى ، بر تلغراف مركزي ، بر ايكى تجارتخانه ونهايت بر طاقم آنغليقان مذهبي ميسيونرلى اقامه - يله اجراى دسائس اينديسورلردى . بوكا مقابل ، روسلرك تشبثات شماليه سى كلير : ايران ايله اوزون بر حدودك موجوديته انضمام ايدن حزر حاكيتى ، روس فعاليتنه اساس اولمشدر . سوق الجيش اعتباريله اولان فائيت نسبیه سى ، جنوباً ، بلوچستان جولريله ايرانك بصره كورفزنده كي قوراق سواحلنده اوغراشمق مجبوريتنده قالان انگليزلرى پك زياده اغضاب ايتمشدى . روسيه نك ايلك ايشى ، حلول عسكر پسنه بر طاقم طرق محتمله تايمين اولمشدى : لازار

پولیا قوف اسمنده موسقوه لی بریهودی بانکرك تشکیل ایتدیکی بر شرکت نقابی آلتنده ، پترسبورغ حکومتی ، قزویندن همدانه کیدن بر قولله برابر ، رشتدن قزوین و طهران بر پول یاپدیر شدی . بر دیگر ده آراقسندن تبریزه کیدر . صوک بر پول ده ، ماورای حزرده کی عشق آبادی خراسانده کی مشهده ربط ایدر . روسلر بواوچ یوله پک اهمیت ویریورلردی .



۱. آغوست ۱۹۰۷ معارله نارسنه طرا، ایرانک منطقه نفوذی عتربله
جزیله مقاسه سی .

حلول مالی ریسنه آنجق یکرمنجی عصر ابتدا صنده ، یعنی ائتلاف نامه دن یدی سنه اول باشلایه بیلمشدر . وقتیه طهران حکومتی ، مظفرالدین شاه ایله خدم و خشمینک احتیاج اسرافتی تسکین ایچون ، یکدیگرینی متعاقب ، یکونی اوتوز ایکی یچق میلیون روبله به بالغ اولان ایکی استقراض عقدینه مجبور اولمشدی . اوتارینجدن سکر سنه اول انگلیزلردن آلنان بش یوز بیک لیرایه صرهون بصره کورفزی کوصروکلری مستثنا اولق اوزره ، متباقی کوصروک رسومنک کافه سی ، بوایکی استقراضه قارشیلق کوستریلشدی . بونک اوزرینه ، ایران حکومتی روسیه دن باشقه بر دولتن استقراض ایتمه مک و ۱۹۱۰ دن اول دمیر یوللری انشا ایده مه مک شرائط الیمه سنی قبوله مجبور اولمشدی . اوندن بری انگلیز و روس بانقه لرندن آلنان قیصه وعده لی آوانسلرله طهرانک دیون عمومی سی کیتدکجه قاپارمشدی .

او تاریخه قدر ، ترکمن چایی معاهده نامه سی ، ادخالات رسومنی قیمت بجنه اوزرندن ۵٪ نسبتنده تحدید ایتمشدی . ۱۹۰۱ ده ایسه ، موسقوفلر ، ویردکلری استقراضلره مقابل ، روس امتعه تجاریه سنه پک خفیف ، واشیای سائریه پک آغیر برطاقم رسوم عینیه تعیین ایده جک بر تجارت معاهده سی عقدینی شرط اتخاذا ایتشلردی . روس حکومت نقه باسنک دوغروندن دوغرویه شعبه سی دیمک اولان اسقونطو بانقه سی طهرانه کملشش و شمال ایله صرکزک بویوک قصبه لرنده بر چوق شعبه لر آچمشدی . بلایققالیلرک اداره سنده

بولونان کومروک تشکیلاتی، بویکی نفوذ ایله برابر انگلیزلره قارشو حرکت ایدیوردی. بر طاقم هویتی مجهول آدملر، روسیه نك بو اسقیلاي تجاریسنه آلت اولشلردی. روسیه طریقیه ترانزیتك ممنوعیتی، موسقوف ادخالنه شمالك یولارینی آجیق بولوندریوردی. چونکه جنوب یولاری هم پك اوزون، هم پك مصرفلیدی؛ طربزونله تبریز آره سنده کی کاروان یولاری ایسه طبیعیه شومن دوفرله رقابت ایده مزدی. روسلر وضعیتلرینك بو اسباب رجحاننه نقلیه تعریفه لرنده تزیلات اجرایی و اخراجات مکافاتلری احداثیه ده قطعیت ویریوردی. اسقونطو بانقه سی، آنجق روس امتعه سی اشترا ایدن تجاره اقراضانده بولونیور و بوتون بودسائس مالیه سندن سنه یه موسقوف تجارتنك دائره نفوذینی، همدانه، اصفهانه، سیستانه قدر توسیع ایدیوردی. روس شکرلریله پاموق معمولاتی، هندك منسوجات قطنیه سیله فرانسز شکرلرینه قارشو محاربه یه باشلامشدی! روسلرک خارجیه، حربیه و مالیه نظارتلرینك بربریله اکثریا اختلاف ایدن مأمورین مخصوصه سی، آرتق آجیقندن آجیغه چالیشه رقی، یوزلرنده کی پرده هویتی قالدیرارق، نه قدرانجه اولورسه اولسون، برآز حجاب تاریخی پرده سندن ده محروم اولدقلرینی کوسترمکه باشلاپورلردی!

روسیه بالخاصه حزر ولایاتنده، آذربایجان و خراسانده قوتلی ایدیه، انگلیزلرده جنوبه دوغرو ایندکجه وضعیت حاکم دیلر: ایران سواحله ده یالکز انگلیز بایراغی دولاشیور، (بریتیش ایندیا) قومپانیاسی پوسته مناقلاتی تأمین ایدیوردی. انگلیز تجارتی ایران داخلنه هپ او سواحله کی اسکله لردن نفوذه باشلامشدی: بندرعباسدن کرمان و مشهد، لجه دن لورستانه، بوشیر ایله محره دن ده وسطی ولایتلره کیریوردی. بوشیر، انگلیز مؤسسات جنوبیه سنك عادتاً پایتختی دیمکده. ایرانده انگلیزجه یالکز اوراده منتشرجه ایدی. انگلیز مأمور مخصوصی اوراده اوطوریور و طبیی ده سواحلك امور صحیه سیله مشغول اولیوردی. قابلور کیتدکجه تشعب ایتمشدی: بالخاصه تلغرافجیلر، هرمن بوغازینك مدخلنده برآدا اشغال ایله، بندر عباسه ربط ایتشلردی.

بونکله برابر، کیتدکجه انگلیز تجارتی روسلره مغلوب اولیوردی. ۱۸۸۹ ده، لورد قارزن، بویوک بریتانیا ایله هندستانك ایران ایله اولان تجارتی ۷۵، روسیه نککنی ده ۵۰ میلیون تقدیر ایتمشدی. بلجیقالی کمرک مأمورلرینك احضار ایتدکاری ۱۹۰۱ — ۱۹۰۲ احصائیاتی ایسه انگلیزلر ایچون ۵۹، روسلر ایچون ۹۶ میلیون قید ایدیوردی. ۱۹۰۶ — ۱۹۰۵ ده، یعنی روس — عجم معاهده سنك زمان صرعتنده، عینی احصائیات، موسقوف تجارتی ۱۷۰ میلیون کوستردیکی حالده، انگلیزلره آنجق ۷۰ میلیون اصابت ایده بیلیمشدی! بربرینه دشمن اولان بویکی دوستك بومدهش رقابت تجاریه سنی قونسولسلری اداره ایدیوردی. هر بویوک و بویوک شهرده، طرفینك بوخدمه نفوذی واردی. روس قونسولسلری (آسیا اموری اداره سی) نه صربوط ایدیلر؛ انگلیزلرده تبریز، اصفهان و شیرازه مسلکدن یتشمه شهبندرلر کوندریرلردی؛ دیگر قونسولسلرک هپسنه هندستان اداره سیاسیه سی قاریشیوردی. بونلر، یکدیگریله رقابت متادیه حالنده یاشیورلردی. آرقالرنده صیرمالی البسنه، ودها آرقالرنده ده یا برقازاق ویا برهند

سواری مفرزه سی بولونوردی ! بونلرک مجادلاتی ایران ترقیات اداریه سنه اک بویوک حائل اولمشدر . طهرانده کی سفارتلرینک وضعیت متقابله سی ده عینی حال ایله قیاس ایدیله بیلیر . شرقده روسلرله انکلیزلرک نفوذ اویونی کولونچ ایسه ، ایرانده اوندن ده بتردر !

انکلیز - روس رقابتی ، سیستان یولنده اولدینی قدرهیچ برطرفده شدتلمه مشدی . خراسان ولایتی ایرانک اک زنکین واک فیاض ایالتلرندن بریدر . افغانستانک اطراف غربیه سنده ، سنجاقلردن مرکب برسلسله جاننده امتداد ایدر . نهایتنده سیستان قیرلری هلمند ایله قاریشیر . وضعیت عسکریه سی هندستانله عمان سواحلی تهیدیت ایتدیکی کی خراسان ایله آسیای وسطایه ده حاکمدر . روسلرک هندستانه تعرض پروژهلرنده اولدینی کی ، انکلیزلرک مدافعه پلانلرنده ده پک مهم برموقی بولوندیغندن ، رقابتک اک شدتلی قسمی بوحوالیه عائد اولمشدر . اورایه هرایکیسی ده بربرندن اول واصل اولق ایستیوردی : هندو - انکلیزلر ، کرمان ویزد طریقله تمید ایتدکاری تلغرافی کشانده هند - ایران خطنه ربط اییدیور و برده شومندوفر وجوده کتیریورلرکن ، روسلرده ، مشهده نصرت آباد آره سنده کی ایران تلغرافنه ال آتدقن صوکره ، نفوذ تجاریلرینی ده تشدید چالیشیورلردی ! بوتون بواشلر ، برآوج قونسلسله ضابطک ، برقاچ قازاقله هند افرادینک ایله اولیوردی ! فقط طرفینک آسیا امورنده ائتلاف عادت واردی : بوتون صوک عصر ائناسنده ، رقابتلری محاربهیه منجر اولاجق درجهیه وارنجه ، هان بر « صورت تسویه » بولورلردی ! آرالرنده ایلک ایران ائتلافی ۱۸۳۴ ده اولمشدی ؛ وراثت سلطنته عائد اولان بومقاوله نامه ، مملکتک تمامیت ملکیه سیله استقلالنه قارشى رعایت متقابله اساسنی ده احتوا اییدیوردی ! بوتأمیناتی برچوق وسیله لرله ده تکرار ایتدیلر ؛ نوطه لر بیله تعاطی اولونمشدی .

فقط ۱۹۰۶ ده خزینهنک مضایقه سیله مظفرالدین شاهک وفاتی ایرانک ایکی دشمنی یکی برائتلافه یاقلاشدیریوردی . بالخاصه نفوذ ایشلرینک یکدیگرینه پک گرفت اولسی بونی تسریعه باشلامشدی . انکلتزه بو صورتله سیاستندن ایران یوکنی قالدیرمق ، روسیه ده ، اختلال داخل سیله پک مشغول اولدیغندن ، وضعیت موجوده سنی تقویه ایده جک برطرز تسویه بولق ایستیوردی .

ایرانک تمامیت ملکیه سیله استقلال ، « آجیق قاپو » سیاستیه برابر ، ۳۱ آغستوس ۱۹۰۷ معاهده سنه اساس اولمشدی ! فقط بووثیقه ماعتک بوتون اهمیت تاریخیه سی ، برطاپو سندی مشروعتیه ، مملکتده ایکی منطقه نفوذ آیرمسیدر ! کاغد اوزرنده حصه لر تحدید اولنورکن ، انکلتزه پک کوچوک بر پارچه ایله ، یعنی یالکن سیستان و مکران اراضی سیله قناعت ایتمشدی ! بواعتبار ایله اک بویوک حصه روسلره ، اورتانجه سی ده بی طرف منطقهیه اصابت اییدیوردی . . فقط شبهه سز ، او کوچوک پارچه انکلتزهیه اک بویوک منفعتی تأمین ایده جکدی ؛ چونکه اوسایه ده هندک محل مدافعه سیله عمانک قاپوسی آنده بولونمش اولاجقدی ؛ فضله اولارق بی طرف منطقه سواحله ده کندی نفوذ تجاریسی غالبدی . فقط خائن آلبیون ، بو فائقیتی ایرانک بویوک و غیر بیتیاری برفدا کارلغنه مال ایتمشدی : روس منطقه نفوذینک قاعده سی ، عثمانلی حدودینک

۳- ساعت مسافه سنده کی قصر شیریندن امتداد ایدهرک اصفهان طریقیله یزده قدر خط مستقیم حالده دوام ایتدکن صوکره ، اوراده بر زاویه تشکیل ایدوب ، ینه عینی شکلده ، شمال شرقیه توجهه افغان حدودنده کی ذوالفقاره منتهی اولور ؛ بو خطک قصر شیریندن اعتباراً او وضعیتی آلمسی ، روس - انگلیز مذاکراتنده مفصل براختلافه سبب اولمشدی ؛ چونکه ، بوضورتله [پای طاق] بوغازی موسقوفلرده قالیوردی ؛ اوراسی چناققلعه بوغازینک قرهده برتمالی وبرجوق فاتحلرک عمریدر. منحنی ومنکسر ایکی سلسله بیننده آلتی ساعت امتداد ایدن بوغازک ایچنده قوردهلا کی ایجه بریول اوزانیر. ساده طاش آغقله ، بر مقدار قوتک توقیفی قابلدیر ! بالخاصه عراقک اک مهم شرق یول اولدیغندن ، بغداد شومندوفرینک مستقبل ومتصور ایران شعبه سی ده هر حالده اورادن کچه جکدر . نهایت انگلیزلر، سیستانه مقابل ، ایرانک کیسه سندن اونی ده فدا ایتدیلر ! و... اشبو طرز تسویه اساساتنه منافی کله جک هر درلو مداخلاته مانع اولمق اوزره...» ، یعنی ایران حکومتک آلمان بانقه لرندن استقراض عقدی احتمالی ازاله مقصدیله ، عندالحاجه برده مراقبه مالیه وضعنده اتفاه قدر ایلری کیتدیلر !

بو ائتلافک عقدیله ، اسباب اختلافی ژائل اولمش عدد ایتیمش تاریخی ادراک ایتهمکدر : انگلتره هندستانه حاکم ، روسیه ایسه آجیق دکر سوداسنه محکوم اولدجه ، آراده ایران دائماً بر باروت مخزنی حالده قاله جقدر . روسلر ، آنجق داخلده کی اختلافه قارشی ، مجبور ائتلاف اولشلردی ؛ کیفیت اعتباریله آرسلان پانی آلاان انگلتره ایسه ، تجارتده رقیبنه مغلوب اولدیغندن ، ائتلافنامهک استناد ایتدیکی سوائق ، موقت وغیر طبعیدر. روسلر ، غرباً اسلاو اتحادی سیاستک عقامت تاریخیه سنی ادراک ایدمیلر کبری کون ، شبهه سز آسیاده ، آوروپاده کی عجائب دوستیله مجادلاتی تکراره باشلایه جقدر ، انگلتره یه کلنجه ، ایمپراطورلغک حدودینی Etat-tampon دینیلن طبقاچ حکومتلرله ، سد چینی طرزنده احاطه ایتک. هندستان سیاستک اسکی عنعناتندر؛ بوضورتله داخلده کی مجلس بنای حاکمیتی ، خارجک بیک درلو جریان مجهولنه قارشی محافظه یه چالیشیر ؛ بوسائقله وبوتون معنای شاملیه ، ماضیده اولدینی قدر ، حال و آتیده ده روس دشمنیدر...» ، بوده ایران ایچون استقبالک بویوک بروعد خلاصی اولابیلیر .

عجمستانک خرابه زاره دونه سنی ، چینلرک دوکولسینی ، کوندن کونه ماضینک تزیاید انقاضنی محوه بکزر برسقوط عدایدنلر وار : دوشونمیلدرکه اوانقاضک آلتنده ، اوتوتولماسنه رغماً یوکسک بر عرفان قدیمک ، انجلمش بر ذکای ملینک ، آتشین بر وطنپرستینک ، بیک بادره دن قورتولش برملیتپرولکک بقیه تأثیراتی واردر! دوشونمیلدرکه فردوسینک شهنامه سیله حافظک دیوانی وسعدینک کلمستانی ، ایرانک اک بویوک ، اک متین واک لایموت استحکاماتیدر !...